


Pepa Hō'ike Pilikia Kūhewa Kula No Nā Mākua a me Nā Mākua Mālama



T Ua 'ae ke Ke'ena Kula Aupuni o Hawai'i e mālama i wahi e palekana ai nā haumāna, nā limahana, a me nā malihini. Hana like pū mākou me ke aupuni, ka moku'āina, a me nā kānaka kūloko mālama palekana e like me ka maka'i, nā kānaka kinai ahi, nā kānaka mālama ola EMT, a me ka hui Emergency Management Agencies a me ka Department of Health e hō'ōia ho'i i ka mākaukau o nā kula inā loa'a ho'i kekahi pilikia a i 'ole pilikia kūhewa paha ma ke kula.

Ho'oma'ama'a mau nā kula a pau ma kēlā me kēia mahina o ka makahiki kula holo'okoa me nā haumāna a me nā limahana e pili ana no kekahi pilikia kūhewa. Inā loa'a kekahi pilikia kūhewa ua mākaukau no ho'i nā haumāna a me nā limahana.

Pehea e Hiki ai lā 'oe ke Kōkua?

E MĀKAUKAU NŌ HO'I 'OE NO KEKAHI HO'OMA'AMA'A PILIKIA KŪHEWA.

- E mākaukau nō ho'i nā helu kelepona e kāhea aku ai inā loa'a kekahi pilikia kūhewa. Pono ho'i e pololei nā helu kelepona a pau.
- E mākaukau nō ho'i nā kula me nā palapala ho'ola'a pilikia kūhewa. Maika'i nō ho'i e maopopo i nā mākua a me nā mākua mālama i nā ho'ola'a pilikia kūhewa o ke kula.

INĀ LOA'A KEKAHI PILIKIA KŪHEWA MA KE KULA

Ua maopopo iā kākou 'o ka mea mua a kākou nā mākua e hana ai inā loa'a kekahi pilikia kūhewa, 'o ia nō ho'i ka holo pūpule a i 'ole kāhea koke i ke kula a kāu keiki, 'olu'olu e hahi i nā ka'ina hana ma lalo iho nei.

- MAI kāhea a i 'ole holo pūpule mai i ke kula a kau keiki no ke ki'i 'ana iā ia. I ka wā pilikia kūhewa, pa'a nā laina kelepona o ke kula no nā kākana pilikia kūhewa wale nō.
- MAI kāhea mai i kāu keiki. Pāpā 'ia nā haumāna a me nā kumu mai ka ho'ohana 'ana i kā lākou kelepona pa'alima i mea e palekana lākou.
- E ho'olohe nō ho'i i ka lēkiō/kīwī e pili ana i nā pilikia kūhewa o ke kula.
- E kauka'i nō ho'i oe i nā luna'ōlelo o ke kula a i 'ole kekahi kākana mālama pilikia kūhewa no ke kahea 'ana mai iā 'oe e pili ana i nā pilikia kūhewa o ke kula.
- E ho'olohe nō ho'i 'oe i nā ho'olaha o ke kula i hiki ai ke ho'ohui hou 'ia 'oe me kāu keiki/mau keiki. Ho'oku'u wale 'ia ana no nā haumāna me kō lākou MĀKUA a i 'ole MĀKUA MĀLAMA ho'opa'a 'ia ma kā lākou pepa kāhea pilikia kūhewa. PONO HO'I e loa'a kekahi LAIKINI, ID a i 'ole kekahi palapala holo 'āina 'ē (passport) me kou ki'i ma luna e hō'ike ana 'o 'oe nō ia e ki'i nei i kāu keiki/mau keiki.
- Inā he kamepiula kāu, hiki nō ke hele ma ka Punaewe Puni Honua (Internet) e nānā ma kēia wahi nei 'o ia nō 'o doe.k12.hi.us inā he mau loli.

Nā Ka'ina Hana Palekana

- Inā loa'a kekahi pilikia kūhewa ma ke kula o kāu keiki/mau keiki, he mea nui ka maopopo 'ana i kēia mau mea ma lalo iho nei:

HO'OPA'A KULA

A Inā loa'a kekahi pilikia pu'umake, ma laila e ho'opa'a kula 'ia ai nā haumāna ma muli o kekahi kākana pōā paha a i 'ole kekahi kākana makemake paha e pepehi i kekahi. I ka wā ho'opa'a kula, laka 'ia na 'ipuka a pau a pani 'ia nā aniani a pau o ke kula nei a pa'a 'ia nā haumāna a pau ma loko o kō lākou lumi papa. **'A'ole loa e 'ae 'ia ke komo 'ana a me ka ha'alele 'ana mai ke kula aku a pau pono ka pilikia ho'opa'a kula a ho'omaopopo 'ia ho'i kākou ua pau pono ka pilikia.**

WAHI HO'OMALU

Hiki i nā keiki ke noho ma kekahi wahi ho'omalua e like me ke kula i 'āpono 'ia he wahi ho'omalua inā loa'a kekahi mea 'ino paha e like me kekahi lā'au make i hanini a e pilikia ai nō ho'i ke ola kino a i 'ole kekahi 'ino nui paha e like me ka ua nui a i 'ole kekahi makani pāhili paha. 'A'ole loa e 'ae 'ia ke komo 'ana a me ka ha'alele 'ana mai ke kula aku a pau pono ka pilikia ho'opa'a kula a ho'omaopopo 'ia ho'i kākou ua pau pono ka pilikia.

HA'ALELE ULIA PŌPILIKIA

No kekahi mau pilikia kūhewa, pono nā haumāna a me nā limahana o ke kula e ha'alele i ke kula. Ho'oholo 'ia kēia mau ha'alele ulia pōpilikia inā kūpono 'ole a i 'ole he palekana 'ole ka noho 'ana ma ke kula. Ho'oma'ama'a mau ke kula ma kēlā a ma kēia mau mahina o ka makahiki a loa'a nō nā wahi palekana e hui ai ke kula holo'oko'a. Inā e mau ana nō kekahi pilikia kūhewa a i 'ole ulia pōpilikia a hiki 'ole nā haumāna ke ho'i hou i ke kula, e ho'oholo ana ke kula e ho'ohui i ka haumāna me ka mākua. 'Olu'olu e ho'oma'a inā ka'ina hana ho'ohui mākua me ke keiki a ke kula a kāu keiki.

Waihona kālā 'ia e ke ke'ena Safe and Drug Free Schools o Ke Kula Aupuni o 'Amelika Hui Pū 'ia (U.S.) – Ke ke'ena Readiness Emergency Management for Schools (REMS) Grant, ha'awi kālā 'ia i ke ke'ena Kula Aupuni o Hawai'i.